

A Mahalala ny Tompo (Salomo 139).

- ❖ Fantatr'i Davida fa mihanjahaña eo anatrehan'Andriamanitra ny fainany manontolo (Sal. 139:2-3). Efa nahafantatra azy talohan'ny nahaterahany Andriamanitra, satria Izy no nampitombo azy tao an-kibondreniny (Sal. 139:13-16).
- ❖ Afaka mihaona amin'Andriamanitra ianao na aiza na aiza alehanao, satria Andriamanitra dia amin'ny toerana rehetra. Raha miakatra ho any amin'ny avo indrindra (lanitra) ianao, dia any Izy. Raha midina any amin'ny lalina (Sheola) ianao, dia hitany. Raha mitodika miantsinanana ianao (ny elatry ny maraina), Izy no mitarika anao. Raha miankandrefana ianao (ny faran'ny ranomasina), dia miaro anao ny tanany (Sal. 139:7-10).
- ❖ Tsy misy toerana maizina loatra ka mahasarona anao tsy ho eo anatrehan'Andriamanitra (Sal. 139:11-12). Saingy, tsy nihevitra ny handositra i Davida. Maniry dia maniry ny hodinihin'Andriamanitra izy. Miezaka nanana fainana mahitsy izay ankasitrahan'Andriamanitra, miala amin'ny ratsy (Sal. 139:17-23).
- ❖ Raha lavo ianao, dia Andriamanitra no hanitsy ny lalanao (Sal. 139:24). Izany ve no fanandramanao miarak'Andriamanitra?

B Miahay ny Tompo (Salamo 121).

- ❖ Na toa mampamoy fo toy inona aza ny toe-javatra misy anao, dia miaino Andriamanitra (Sal. 130:1-2). Rehefa mitaraina isika, dia miasa ho antsika Izy (Sal. 9:10). Misy fanantenana ho an'izay rehetra mitady sitraka amin'i Jehovah (Sal. 16:8).
- ❖ Ao amin'ny Salamo 121 no ahitantsika famaritana ny Mpanampy, Vonjy ary Mpambina antsika:
 - Tsy hamela antsika ho solafaka amin'ny lalan'ny fainana Izy (and. 3).
 - Miambina antsika mandrakariva Izy (and. 4)
 - Manome fialofana ara-batana sy ara-panahy ho antsika Izy (and. 5-6).
 - Eo anilantsika mandrakariva Izy miaro antsika (and. 7).
 - Izy no miahy antsika amin'ny fotoana rehetra sy amin'ny toerana rehetra (and. 8)
- ❖ Aiza no hitady vonjy raha tojo zava-tsarotra? Ho any an-tendrombohitra? Ho any amin'ny manana fahefana ara-toekarena? Ho any amin'ny manana fahefana ara-politika? Ho any amin'ny fianakavantsika sy ny namantsika? (Sal. 121:1).
- ❖ Mety tsy hahomby izany. Iray ihany no ombam-panantenana mandrakariva (Sal. 121:2).

C Miaro ny Tompo (Salamo 17).

- ❖ Noho ny fahatokiany fa mifanaraka amin'izay andrasan'Andriamanitra aminy ny fainan'i Davida, dia nangataka Azy ho mpiaro azy izy (Sal. 17:1-5).
- ❖ Mampiasa fanoharana momba ny vorona ny mpanao salamo mba hilazana amintsika ny amin'ny fomba iarovan'Andriamanitra antsika: "Ny volon'elany no anaronany anao, ary ao ambanin'ny elany no hialofanao." (Sal. 91:4). Mampiasa fiteny fanao any amin'ny tafika koa izy mba hilazana amintsika momba ny fiarovany tsy mitaredretra: "Ho ampinga kely sy ampinga lehibe ny fahamarinany" (Sal. 91:4).
- ❖ Ny fanoharana hafa dia maneho "fierena", "aloka", "batery fiarovana", sy "tanana ankavanana" (Sal. 91:1-2; 17:7-8). Ireo rehetra ireo dia manambara amintsika fiarovana sy toeram-pialofana avokoa.
- ❖ Tsy isalasalana fa manana Tompo izay miaro antsika amin'ny fahoriana rehetra isika. Andeha isika hitodika Aminy. Aoka isika hialoka eo ambanin'ny alony.

E Manafaka ny Tompo (Salamo 114).

- ❖ Asehon'ny Salamo 114 fohifohy sy anaty tononkalo ny fomba nandaminan'Andriamanitra ny toe-javatsarotra natrehan'ny vahoakany mba hahatongavana tany amin'ny Tany Nampanantenaina: Ny ranomasina [Mena] nahita an'Andriamanitra ka nandositra (and. 3a), niorika ny reniranon'i Jordana (and. 3b), nifalihavanya ny tendrombohitra sy ny havoana (and. 4)
- ❖ Amin'ny maha-Mpamorona Azy, dia mampiasa ny heriny amin'ny zavaboary Andriamanitra hanafahany ny olony. Tsy hanao toy izany koa ve Izy amintsika ankehitriny?
- ❖ Tahaka azy ireo, dia nafahana tamin'ny fomba mahagaga tamin'ny fahotana koa isika, ary ny diantsika ho any amin'ny Kanan'ny Lanitra dia feno loza (tendrombohitra sy havoana). Fa eo anatrehan'i Jehovah dia "mihorohoro ny tany" (Sal. 114:7).

F Mandre sady mamonjy ny Tompo.

- ❖ Mitoetra any amin'ny avo Andriamanitra, ary avy any lzy no hihaino sy hamonjy (Sal. 20:2; 3:4; 1Mpanj. 8:30).
- ❖ Noho izany antony izany, dia afaka manatona Azy amim-pahatokiana isika ary mahazo antoka fa hohenoina (Heb. 4:16).
- ❖ Inona anefa no azony atao avy ao amin'ny fitoerany masina? Manolotra famonjena (Sal. 14:7), miaro antsika amin'ny ratsy (Sal. 27:5), manome izay ilaintsika (Sal. 36:8), miaro ny tsy misy mpiaro (Sal. 68:5), mampahatanjaka antsika (Sal. 68:35).
- ❖ Tsy afaka mahazo antoka amin'ny fanavotan'Andriamanitra ny olona raha tsy manana fifandraisana amin'Andriamanitra amim-pahamarinana, amin'ny alalan'ny fibebahana sy ny faneke na ny fahasoavan'Andriamanitra ary koa ny famelany heloka. Maneho ny famonjena izay ao amin'i Jesosy ny fanompoana atao ao amin'ny fitoerana masina.